



Projekat finansira
Evropska unija

REGIONALNI PROGRAM LOKALNE DEMOKRATIJE NA ZAPADNOM BALKANU (ReLOaD)



Empowered lives.
Resilient nations.



? Zašto ReLOaD?

Sve zemlje Zapadnog Balkana se suočavaju sa sličnim izazovima vezanim za nedovoljno razvijenu saradnju između jedinica lokalne samouprave i organizacija civilnog društva (OCD). Posebno je uočljiv manjak transparentnosti u finansiranju OCD što predstavlja jednu od najvećih prepreka razvoja i funkcioniranja civilnog društva.

Na osnovu sveobuhvatnog iskustva prethodnih projektnih intervencija u Bosni i Hercegovini, **Regionalni program lokalne demokratije na Zapadnom Balkanu (ReLOaD)** će tretirati ova pitanja i izazove u 6 zemalja Zapadnog Balkana koje učestvuju u projektu i to: **Albaniji, bivšoj jugoslovenskoj republici Makedoniji, Bosni i Hercegovini, Crnoj Gori, Kosovu* i Srbiji.**

ReLOaD ukratko:

Opšti cilj projekta je jačanje participativne demokratije i EU integracija na Zapadnom Balkanu putem osnaživanja civilnog društva da aktivno sudjeluje u donošenju odluka, te unapređenje poticajnog pravnog i finansijskog okruženja za civilno društvo.

- ➔ **Finansira Evropska unija**
- ➔ **Provodi Razvojni program Ujedinjenih nacija (UNDP)**
- ➔ **Budžet:** 10 miliona EUR (8,5 miliona EUR finansira EU a 1,5 miliona EUR partnerske jedinice lokalne samouprave i UNDP)
- ➔ **Početak projekta:** 1. februar 2017. godine
- ➔ **Trajanje:** 36 mjeseci
- ➔ **ReLOaD obuhvata** 6 zemalja Zapadnog Balkana: Albanija, bivša jugoslovenska republika Makedonija, Bosna i Hercegovina, Crna Gora, Kosovo* i Srbija
- ➔ **Ciljne grupe:** 50 partnerskih jedinica lokalne samouprave u zemljama koje učestvuju u projektu i organizacije civilnog društva
- ➔ **Partneri:** Institucije zadužene za saradnju sa civilnim društvom u svakoj od zemalja koje učestvuju u projektu i savezi općina i gradova
- ➔ **OCD će provoditi 200 projekata za preko 38.000 korisnika**

* Ova oznaka ne dovodi u pitanje stavove o statusu i u skladu je sa Rezolucijom UNSCR 1244 i Mišljenjem Međunarodnog suda pravde o kosovskoj Deklaraciji o nezavisnosti.



Šta je cilj?

Cilj projekta je da u sljedeće tri godine ojača partnerstvo između jedinica lokalne samouprave i civilnog društva u zemljama Zapadnog Balkana širenjem uspješnog modela iz Bosne i Hercegovine za finansiranje OCD projekata iz budžeta jedinica lokalne samouprave, a u skladu sa lokalnim potrebama.

ReLOaD projekat će raditi sa jedinicama lokalne samouprave na usvajanju **transparentnog, razvojno orijentiranog projektnog finansiranja OCD projekata** koji su fokusirani na građane i njihove potrebe. S obzirom na regionalnu prisutnost, ReLOaD će funkcionirati kao platforma za umrežavanje zemalja Zapadnog Balkana te za razmjenu iskustava i naučenih lekcija vezano za bolje pružanje usluga građanima.



Koji su očekivani ključni rezultati?

ReLOaD će, između ostalog, postići sljedeće ključne rezultate u 50 jedinica lokalne samouprave u 6 zemalja Zapadnog Balkana:

- ⇒ Jedinice lokalne samouprave i OCD posjeduju osnovna znanja o sveobuhvatnom modelu transparentnog finansiranja OCD iz budžeta jedinica lokalne samouprave,
- ⇒ Model transparentnog i projektnog finansiranja OCD iz budžeta jedinica lokalne samouprave uveden je i institucionaliziran u svim projektom obuhvaćenim jedinicama lokalne samouprave i kao takav promoviran i prihvaćen u zemljama Zapadnog Balkana,
- ⇒ Usluge koje pružaju OCD odražavaju potrebe zajednica u partnerskim jedinicama lokalne samouprave širom zemalja Zapadnog Balkana,
- ⇒ Osnaženi kapaciteti OCD i jedinica lokalne samouprave u implementaciji grant šema i realizovanju kvalitetnih projekata,
- ⇒ Širenjem dobrih praksi poboljšano regionalno umrežavanje i dijalog civilnog društva i jedinica lokalne samouprave u zemaljama Zapadnog Balkana,
- ⇒ Raznovrsniji dijalog i mehanizmi saradnje između jedinica lokalne samouprave i OCD (specifično za BiH).



Koji je očekivani uticaj projekta?

ReLOaD će podsticati saradnju između lokalnih vlasti i civilnog društva što će **doprinijeti boljem kvalitetu života u 50 jedinica lokalne samouprave.**

Očekuje se da će OCD provoditi 200 projekata i pružiti kvalitetnije i raznovrsne usluge za preko 38.000 građana na lokalnom nivou u 6 zemalja Zapadnog Balkana.

ReLOaD Kontakt

Regionalni ured: UNDP Bosna i Hercegovina

Zmaja od Bosne bb, 71000 Sarajevo, Tel: +387 33 29 34 00 / Fax: +387 33 55 23 30

Samir Omerefendić, regionalni menadžer

Email: samir.omerefendic@undp.org / www.ba.undp.org / FB: RELOADWesternBalkans